




Արարատի քաղաքային համայնքի 2016թ. բնապահպանական ծրագիրը

1. Նախաբան

<<Ընկերությունների կողմից վճարվող բնապահպանական վճարների նպատակային օգտագործման մասին>> 2001թ. մայիսի 15-ի Հայաստանի Հանրապետության օրենքի պահանջներին համապատասխան Արարատի քաղաքային համայնքի 2016թ. համար հաշվարկվել է 7159.1 հազար դրամի սուբվենցիա: Սույն ծրագիրը մշակելիս քաղաքապետարանն առաջնորդվել է Հայաստանի Հանրապետության վերոհիշյալ օրենքի 1-ին հոդվածի 2-րդ մասի, <<Բնապահպանական ծրագրերի մշակման / նախագծման/ մասին>> Հայաստանի Հանրապետության կառավարության 2014թ. փետրվարի 27-ի թիվ 197-Ն որոշումով հաստատված կարգի>> և Հայաստանի Հանրապետության վարչապետի 2014թ. դեկտեմբերի 10-ի N 1253-Ա որոշման պահանջներով:

Ծրագիրը մշակելիս հաշվի է առնվել նախորդ տարիներին բնապահպանական վճարներից կատարված մասհանումների հաշվին քաղաքում իրականացված ծրագրերը, ինչպես նաև ներկա պայմաններում առավել հրատապ լուծում պահանջող, քաղաքային իշխանությանը և բնակչությանը խիստ մտահոգող հարցերը, որոնց շարքում առաջնահերթ է համարվում քաղաքը ոռոգման ջրով ապահովելը:

2. Ծրագրի նպատակը

Արարատի քաղաքային համայնքի 2016թ. բնապահպանական ծրագրի հիմնական և գլխավոր նպատակը քաղաքը ոռոգման ջրով ապահովելն է: Արարատն ընդհանրապես զրկված է ինքնահոս ոռոգման ջրից: Քաղաքում գործում է 10լ/վրկ. հզորությամբ մեկ խորքային հոր, որը բավարարում է քաղաքի ոռոգման ջրի 20-25 %-ի պահանջը: Ոռոգման ջրի ապահովումով քաղաքում կլուծվեն բնակչության մոտ 85 %-ի համար կարևոր մի շարք հարցեր: Մասնավորապես կլուծվի քաղաքի կանաչ մակերեսների՝ եղած ծառերի ու թփերի պահպանման ու ավելացման, անմշակ մնացած կամ խմելու ջրով ոռոգվող տնամերձ հողամասերի մշակման ու խմելու ջրի խնայողության, ուսումնական հաստատություններին, մանկապարտեզներին և քաղաքային հիվանդանոցին կից հողատարածքների ոռոգման և ի վերջո փողոցների ամենօրյա ջրցանման հարցերը:

3. Ծրագրի իրավական հիմքերը.

Ծրագիրը իրականացվում է Արարատ քաղաքի վարչական տարածքում գործող ձեռնարկությունների կողմից արտադրական գործունեության հետևանքով շրջակա, այդ թվում օդային ավազան վնասակար նյութերի արտանետման և սպառման թափոնների սահմանված կարգով տեղադրման, շրջակա միջավայրը վնասակար նյութերի և

միացությունների արտանետման համար բնապահպանական վճարներից համայնքին կատարված մասհանումների միջոցներով:

Ծրագրի իրականացման համար բնապահպանական վճարներից սուբվենցիայի ձևով կատարված հատկացումը չբավարարելու դեպքում, նկատի ունենալով ծրագրի հրատապությունը համայնքն իր միջոցներից լրացուցիչ հատկացումներ կկատարի այդ նպատակի համար:

4. Ծրագրի շահառուները և մատուցվող ծառայությունները

Ծրագրի շահառուներ են համարվում քաղաքի ողջ բնակչությունը, ուսումնական և նախադպրոցական հաստատությունները, քաղաքային հիվանդանոցը, տնամերձ հողամաս ունեցող առանձնատները, ինչպես նաև քաղաքի հանգստի գոտուց օգտվող շրջակա բնակավայրերի բնակիչները: Ոռոգման ջրի հարցի լուծման շնորհիվ քաղաքում մեծ չափով կխնայվի նաև խմելու ջուրը:

Ծրագրի իրականացումը կնպաստի նաև բնակչության առողջության պահպանմանը՝ շնորհիվ կանաչ մակերեսների ավելացման ու միկրոկլիմայի ստեղծման, ինչպես նաև կկանխվի քամու և տրանսպորտի երթևեկության հետևանքով բարձրացող փոշին:

5. Ծրագրի խնդիրները և դրանց կապը

Ծրագիրը ներառում է երկու բաղադրիչ, կլուծվի բնապահպանական և առողջապահական խնդիրներ: Ծրագրի իրականացման շնորհիվ կլուծվեն քաղաքը կանաչ ու գրավիչ տեսքի բերելու, միկրոկլիմայի ստեղծման օդային ավազանի և բնակչության առողջության պահպանման հարցերը, պայմաններ կստեղծվեն բնակչության առողջ ապրելակերպի համար բարենպաստ պայմանների ստեղծման, մանուկների և պատանիների մոտ բնության և կանաչ տարածքների պահպանման նկատմամբ հոգատար վերաբերմունքի ձևավորման ու դաստիարակմանը, ինչպես նաև բնակիչները հնարավորություն կունենան մշակելու իրենց տնամերձ հողամասերը և ոռոգելու բզմաբնակարան շենքերի բակերի ծառերը, կխնայվի այդ նպատակով երբեմն օգտագործող խմելու ջուրը:

6. Ծրագրի իրականացման եղանակները

Ծրագիրը նախատեսվում է իրականացնել 2016թ. համայնքին հատկացվելիք 7159.1 հազ. դրամ բնապահպանական վճարներից կատարվելիք մասհանման միջոցով: Այն չբավարարելու դեպքում համայնքային բյուջեից կկատարվի լրացուցիչ հատկացումներ: Ծրագրով նախատեսվում է քաղաքում հորատել մեկ խորքային հոր կամ հնարավորության դեպքում՝ վերականգնել նախկինում գործող, բայց շուրջ 10 տարի առաջ վթարված Սպանդարյան - Խանջյան փողոցների հատման անկյունում գտնվող խորքային հորը կամ նախկինում կոնսերվացված այլ հոր: Ընթացքի մեջ է հարցի լուծումը: Ոռոգման ջրի հարցը լուծելուց հետո կմշակվի նախագիծ և այն պոլիտեխնիկային խողովակներով կհասցվի ոռոգվող տարածքներին:

* *

*

Սույն ծրագիրը համայնքի ավագանու կողմից հաստատվելուց հետո ներկայացնել
Հայաստանի Հանրապետության բնապահպանության և Հայաստանի Հանրապետության
առողջապահության նախարարությունների հաստատմանը: